

æquè velociter, Deo volente, lapsu grauior eruet. Centro autem eccentrici ad alterum terminum mediocrem perueniente, sperramus ad futurum Dominum nostrum Iesum Christum. Nam hoc loco circa creationem mundi fuit. Neque multum discrepat hæc computatio à dicto Eliæ, qui, Diuino instinctu, mundum 6000. tantum annos duraturum vaticinatus est, quo tempore duæ ferè revolutiones peraguntur. Ita apparet hunc paruum circulum verissimè Rotam illam Fortunæ esse, cuius circumactu, Mundi Monarchiæ initia sumant, atque mutentur. In hunc enim modum summa totius historiæ Mundi mutationes, tanquam hoc circulo inscriptæ conspicuntur. Porro qualia illa Imperia esse debuerint, & quis nelegibus, an Tyrannicis constituta, quomodo ex magnis coniunctionibus, & alijs eruditis conjecturis deprehendatur, à te breui, Deo volente, coram audiam.

Porro dum centrum eccentrici descendit versus centrum uniuersi, consentaneum est, centrum parui circuli secundum signorum consequentiam, singulis annis Aegyptijs per 25. ferè secunda procedere. Et quia centrum eccentrici à summa distantia in antecedentia mouetur, æquatio respondens motui anomalie temporis propositi, à medio motu subtrahitur, donec semicirculus compleatur: in reliquo vero additur, ut verus apogij motus habeatur. Maxima autem æquatio inter apogium verum & medium geometricè, ut conuenit, ex predictis deducta, est 7. grad. 24. min. reliquæ, ut fieri solet, pro ratione centri eccentrici in hoc paruo circulo sunt constitutæ. Motum diuersum certum habemus, qui sunt tria loca data: de medio motu est aliqua dubitatio, quia non habemus ad illa tria loca veram apogij Solis sub ecliptica positionem, idq; propter errorem, qui inter Albategnium & Arzahelam incidit, ut refert Regiomontanus noster Lib. 3. Prop. 13. Epitomes.

Albategnius nimis liberè abutitur mysterijs astronomiæ, vt multis in locis videre est; si hoc in constitutione apogij Solis quoq; fecit, ut demus sanè eum certum tempus æquinoctij habuisse, quia tamen impossibile est, vt etiam Ptolemæus testatur, solstitiorum tempora præcisè instrumentis constituere, siquidem vnum minutū declinationis, quod certè facile sensum effugit, nos quatuor ferè gradibus hoc loco defraudare potest, quibus quatuor respondent dies,

*Rota Fortuna.*

*Æquatio  
motus apogij  
Solis.*

*Inter observa-  
tiones apogij  
Solis ab Ab-  
bategnio &  
Arzahelam,  
error  
commisus  
creditur.*